

EL GOUNA

Zamislite da svoj godišnji odmor provedete u mondenskom ljetovalištu smještenom na čak dvadesetak ostrva koji su povezani mostovima i okruženi prelijepim lagunama. Ako mislite da mjesto poput toga ne postoji, prevarili ste se. Itekako postoji i ime mu je El Gouna, mali vještački raj na zemlji koji nalazi na oko 35 kilometara severno od Hurgade. Ako mislite da je tako nešto nemoguće napraviti ljudskom rukom, sa vama se ne bi složio Samih Savirisa, vlasnik Orascom grupacije, na čiju ideju je nastalo ovo moderno ljetovalište, ova egipatska Venecija, koja se tako naziva jer svojim izgledom neodoljivo podsjeća na taj legendarni italijanski grad. Jedan dio grada projektovan je u nubijskom stilu, dok su u drugom dijelu smještene moderne vile i luksuzni hoteli. Grad se može podijeliti na tri glavne i najpoznatije oblasti, a to su: sam centar grada, Trg Tamr Hena i prelijepa marina Abu Tig. Mimo privatnih hotelskih plaža postoje i tri glavne gradske plaže – Mangroovi, Moods i najpoznatija i najpopularnija Zeytuna Beach. U gradu postoji jedna džamija, kao i koptska pravoslavna crkva Svete Marije i Arhandela.



Posljednjih godina El Gouna je postala omiljeno mjesto za noćni život, kako turista, tako i samih Egipćana. 2017. godine osnovan je i filmski festival koji okuplja najpoznatije ličnosti iz filmske industrije.

Posjetioci ovog predivnog gradića mogu uživati i u brojnim barovima, restoranima, suvenirnicama, velikim izborom sportova na vodi, poput surfinga, ronjenja, snorklinga i odlaska na neke od izleta poput noćenja u pustinji, jeep safarija te krstarenja brodom.

Ovakav grad donio je jedan potpuno novi moderni duh na Bliski istok, duh koji nikoga neće ostaviti ravnodušnim.